

翁

山

詩

外

騷屑序

|   |   |   |   |   |   |
|---|---|---|---|---|---|
| 以 | 審 | 者 | 新 | 六 | 騷 |
| 過 | 高 | 或 | 香 | 詞 | 屑 |
| 泥 | 低 | 訶 | 麗 | 四 | 序 |
| 失 | 不 | 乖 | 諧 | 一 |   |
| 真 | 辦 | 于 | 律 | 道 |   |
| 師 | 清 | 義 | 四 | 嚴 |   |
| 心 | 濁 | 或 | 敲 | 于 |   |
| 作 | 刻 | 字 | 陰 | 謹 |   |
| 解 | 意 | 戾 | 陽 | 賦 |   |
| 者 | 乖 | 于 | 近 | 摺 |   |
| 臥 | 工 | 敲 | 代 | 語 |   |
| 率 | 者 | 不 | 從 | 清 |   |

|   |   |   |   |   |   |
|---|---|---|---|---|---|
| 沸 | 今 | 門 | 東 | 音 | 狸 |
| 之 | 春 | 屏 | 太 | 津 | 久 |
| 際 | 與 | 絕 | 之 | 少 | 雅 |
| 而 | 諸 | 嗜 | 病 | 諧 | 玉 |
|   | 伶 | 好 | 詞 | 不 | 茗 |
| 翁 | 較 | 唯 | 場 | 無 | 詞 |
| 山 | 理 | 嚴 | 惜 | 鐵 | 因 |
| 先 | 詞 | 律 | 之 | 綽 | 膾 |
| 生 | 因 | 不 | 余 | 板 | 炙 |
| 緘 | 絲 | 能 | 善 | 唱 | 人 |
| 示 | 肉 | 忘 | 痛 | 大 | 口 |
| 騷 | 鼎 | 懷 | 杜 | 江 | 獨 |

肩一編遂按以紅耳被之絃索  
摧藏掩抑媚二動人含商咀徵  
循變合節義既精粲津復整嚴  
昔萬寶常善歌上帝以天授音  
津之性使鈞天之官示以玄微  
之要先生此詞何所自來其殆

有神授耶天壤元晉一綫未絕

笙簧一代鼓吹千秋其在此乎

其在此乎

梳山文姪王隼攀誤

序

翁山之詩爲當世學士大夫所膾炙以至遐方僻壤小生俗儒知與不知者皆嘖嘖叫呼之姓氏幾徧海內翁山之人處于墨返乎儒交遊亦幾徧海內卒老于詩如是而已其爲人狂恠刻意自別于世俗然其詩則必傳也已夫今之爲詩者衆矣簪纓之族咳唾成珠時流好爲聳諛之其在通都廣邑之士善爲雕飾言詞縉紳又多所推轂是二者就使其學不工宜必有聞於世譬之掉輕舟于急湍上而下之其勢便也然卒之與金石並久者百不得一而山林之布衣放意肆志以自快其所欲

言往往有所托以不朽何哉詩之傳與不傳或亦時命爲之抑亦自有故耶大凡人有急于求知當世之心則其爲詩也必將就其所好避其所惡而不敢毅然孤行其意于天地翁山之詩兼李杜而有之取材極博鎔鑄以自成家而一軌乎法之正蓋詩之格調有盡吾人之意境日出而不窮而才大則無不有氣大則無不舉未嘗有急于求知當世之心而當世無不知之翁山之所以過人者凡以此也特其故犯忌諱雖身命殲彝而不顧假使其不蹈明季諸公憤憊之習雍雍乎發而爲盛世和平之響其詩與人未必不傳而翁山斷不以彼

易此是則翁山已矣已夏余來粵欲詣翁山有  
言翁山盛暑着羊皮襖狂恠不可近居二載不與  
通半刺然心服翁山詩翁山亦知余詩丁丑再至  
粵翁山歿矣吾友凌儀吉與翁山交以詩最久翁  
山旣侈于詩其歿也卷帙寢多散失凌子肯爲整  
齊詮次之屬炳爲之序余謂翁山產于蠻鄉其人  
狂恠不盡滿于時俗然其詩雖冤家仇人欲投諸  
溷使其滅沒不傳豈可得哉集名詩外仍之翁山  
志也四明有雪山人者吾服其詩與翁山竝然卒  
以狂被禍其所著息賢堂集世亦少見嗚呼狂亦  
有幸有不幸也夫古越周炳曾題



序

余年二十學爲詩歌日與里中張秦亭徐野君孝  
先王仲昭毛稚黃諸先輩講求聲律論列海內能  
詩家如數寶珍屈指至翁山躍然起曰此粵海明  
珠也不數載余省先大人於端州因得見制府吳  
公適召賓客余以少年廁座末抵掌妄談天下事  
衆客戲笑相耳語曰此狂生時有岌岌其冠衣服  
古製自號山人者在座獨不以余爲狂且就位與  
余語旣而踞坐酣飲談論自勝無人旁若詢其姓  
氏則翁山也遂大驚余退而謂人曰余非狂也此  
真狂生而制府皆不以爲狂余旣夙慕翁山而翁

山與余又皆爲吳公所知相與往來爲忘年友翁  
山嘗與余論詩其言曰詩之得氣在動得意在虛  
惟虛故能善動不動則荅然稿矣譬之形家之視  
山其膚肉脈理靡不翕翕然動者或難之曰山靜  
而子見謂動其誕耶則解之曰不然衆庖之視牛  
非族則觚也以丁遇之泮冰耳壞壘耳豈非拙者  
見礙而巧者見虛乎又嘗言如地懸于天中所以  
舉之者氣也氣之大者法有所不得施而未始無  
法且如夏雲之起於空城市臺觀樓閣車馬畢見  
於海又如大雨時行百川灌漑溝澮原潦之水注  
而江河恟乎不知其命意之所在也翁山之爲詩

大抵取法於唐非一家氣無不充意無不融人所困躋已獨超踊其得所謂動與虛而用之者故能自言其所得如此獨是其遨遊幾遍天下人人皆知有翁山而卒不一遇狂而老老且死其詩類多感慨激昂較轢古今呼搶天地而不能自禁豈其所操以必傳者在是與余居汝水六年丁丑再至羊城翁山死矣哭之失聲及聞吳公留村沒於王事復以哭翁山者哭吳公蓋嘆知己之不易遭也翁山生平著作極多余獨嗜其詩如饑渴之於飲食欲須臾忘而不可得今沒後其詩外若干卷寢多亾軼特取而補刻校正之并不忍忘其宿昔相

見之始與促膝論詩數語書而存之謂庶幾不負  
翁山云南茗凌鳳翔題

翁山詩外原序

詩有內外乎曰詩無內外也在吾則有之耳吾詩之內者以易以書以春秋爲之其外者乃以詩爲之然非能以三百五篇之詩爲之也亦爲夫自漢至唐樂府五七言諸詩以徇世俗之所尚而已昔夫子不嘗爲詩然其贊易也言多諧韻樂翫之不足斯詠歎之蓋夫子之詩多在二傳十翼之中不僅龜山倚蘭諸操被於雅琴矣故夫以詩言性與天道而與易相表裏詩之聖者矣吾方學易著有易外一書視易重不敢以其言爲有當於易故曰易外視易重因而視詩亦重亦不敢以其言爲有

當於詩故亦曰詩外蓋欲以其內者合易與詩爲一以學夫孔子云爾是編凡千有餘篇從道援堂翁山詩畧二集簡出聊應同人之求中多少年所作旨多寓言含吐莊騷非粹然一出於正者讀之誠自慚惶然旣已流傳不欲自諱因重梓之識者幸推其志焉司馬遷謂三閭之志可與日月爭光夫豈以其詞之能兼風雅乎哉詩言志離騷亦然予昔從離騷以學三百五篇今更從三百五篇以學易以易爲正以詩爲奇易不必其內正而奇之則詩不必其外奇而正之皆可矣是爲序

同訂姓氏

王阮亭

諱

士禎

沈詹三

諱

影

袁別山

諱

景星

鄭珠江

諱

際泰

徐瀕村

諱

倬

梁藥亭

諱

佩蘭

樊崑來

諱

澤達

陳元孝

諱

恭尹

龔衡圃

諱

翔麟

王蒲衣

諱

隼

魯謙菴

諱

超

陳南麓

諱

允恭

羅水裕

諱

衍嗣

王紫詮

諱

煥

陶紫司

諱

元淳

俞介石

諱

九成

顧卜侯

諱

祖愷

吳子固

諱

謹聲

胡幹臣

諱

一鳴

王介遐

諱

鶴齡

張若愚

諱

黃中

婁仲鱗

諱

起蛟

金颺言

諱

虞廷

史叔葵

諱

謨

凌洪遠

諱

王銓

凌青臣

諱

震

凌武京

諱

鳳彩

凌九成

諱

鳳來



翁山詩外目錄

門人 陳阿平

卷之一

五言古

卷之二

五言古二

卷之三

七言古一

卷之四

七言古二

卷之五

五言律

卷之六

五言律

卷之七

五言律

卷之八

五言律

卷之又八

五言律

卷之九

七言律

卷之十

七言律

卷之十一

七言排律全

卷之十二

五言絕句全

卷之十三

七言絕句一

卷之十四

七言絕句二

卷之十五

雜體全

卷之十六

詞一

卷之十七

詞二

卷之十八

詞三嗣出

番禺 屈大均 撰

茗南 凌鳳翔 訂

五言古

詠懷

至人握大象長爲天下君  
澄潭龍不見噓氣成風  
雲維彼清衣子淵玄莫能倫  
朝隱泰山霞幕遊洪  
河津仁義乃遽虛逍遙葆其真  
春雷驚百卉閭闔  
渙波鱗時哉無與言天倪一何神

猿猴依杞柎后羿不能射至人與天遊  
龜蠃皆默  
化利劍決浮雲玄珠燭長夜許繇乃堯師  
土苴治  
天下得魚忘敝笥  
驂螭任高駕聖智貴潛行毋使

大盜假懸瓢案樹間風吹流泉瀉哀彼塵垢子灰  
生如傳舍

亭亭南澥雲變化如遊龍朝冠扶桑日暮含閭闔  
風光彩何熒熒降我藥珠宮感子相羽翼飄飄至  
崆峒獲觀軒轅帝心華開鴻濛萬象無遮形來朝  
寶鏡中雙成爲舞女子晉爲壽童遊戲太虛庭誰  
能知所終

駟馬尚可縻去日苦難追平生履虎尾慷慨將何  
爲轉蓬如車輪隨風西北吹故鄉路遼遠瞻望涕  
漣而子房久辟穀顏如朝霞披白龍何蜿蜒與我  
遊天池功業嗟未建下民方凋饑潔身乃小節誰

能混鴟夷蟬蛻王侯尊聊且從吾師

慶卿爲燕使任俠不愛身當時偕漸離勢必殲強  
秦委肉餓虎蹊爲謀徒苦辛用兵貴無形窈冥如  
鬼神風雲張羽翼龍蛇效屈伸尚父有韜鈴變化  
存乎人我昔觀魚復八陣如星陳江波激雄怒巨  
石高嶙峋玉女守其門風后旋其輪嗟哉先哲心  
精微誰能臻

仲秋寒節至遊子無衣裳慘慄此何氣中人如斧  
戕陰陽日交戰龍血紛玄黃上天徒暴怒雷霆曾  
無傷務光久沉淵有窮登爲王子其忍玩世君臣  
有大綱寧當猛虎步不隨鴻鵠翔勉哉疾固心四

澥聊徬徨

薛公三千客半是劒伎人惜無王霸略西向終事  
秦上兵貴戰德訓練宜精勤八陣本無形混沌如  
天輪苟能準河圖出沒驚鬼神離離九皇星光懸  
紫薇門陽春而肅殺一氣秉其鈞予其欽若哉遑  
敢懈晨昏

仙人空桐子變化如陰陽朝霞一膏沐神光流未  
央忘身故委蛇八極紛翱翔伊予從之遊矯掌承  
玉漿日月如貫珠吐納養其黃莊生化蝴蝶相遇  
鴻濛鄉羽翼何歲蕤餐花臨扶桑東澥湧其波浮  
雲四飛揚堯軒去已久斯民多憂傷苟非姑射人



誰能應帝王薄言稅吾駕深山垂衣裳

出門操天弧吾將射四方豺狼日爭食曠野無人  
行民生各有樂好修予爲常桃李羞同華日月思  
齊光曜靈久翳景麗天誰文章晞髮憑天門北斗  
斟瓊漿雖非丹山鸞願巢阿閣旁雌雄三十六和  
鳴宣禎祥

乘雲何踟躕山中難久居營營魂九逝長夜懷憂  
虞披衣起鳴琴宮商慄不舒聽者非佳人鴟鴞紛  
詈予上天降霜露歲寒誰歡娛碩果不可食瓊華  
化爲荼俯仰涕沾膺何時旋故都

遙遙望故鄉魂魄所從始狐死必首丘遠遊今安

止崙丘春載陽三花何婉婉時無維川妃誰發予  
瓊齒有鳥自南來丹翎紛不理雄鳩雖巧言苟合  
中誠恥笑獨夫何言臨流淚如水

吾劒雖短兵其疾如電光回旋應規矩恍惚雙龍  
翔今天降喪亂日月顛其行重華命百神迎我朱  
陵岡林巒亘千里沅湘流湯湯山鬼紛媚人前驅  
從兩狼忠誠夙所立九死吾何傷

長鯨吹海波百川皆倒流江妃何天矯持我歸蓬  
丘昊天方降威潛伏爲良猷舍我朱離天來宅寒  
門幽墳羊共藏井騰蛇與相糾君子貴知幾柔順  
其無憂

萋萋女貞木變化何歲徒含此少陰精隆冬葉不  
萎夫何一佳人懷忠適見疑神靈附太山攀條吟  
以悲天邊有匏瓜流光照我姿篤志慕陶嬰苟合  
非所期百川自東逝北辰無轉移

大塊鼓噫氣衆竅爲怒號予口實興戎縱橫變離  
騷顧盼無四海遑能媚其曹泰山鬱嵯峨黃河流  
滔滔丈夫無死生萬物等鴻毛

予幼好騏驎萬里思橫行白起不辱君忠臣愛其  
名弓燥而手柔秋天獵秦城信行直如弦賢豪不  
我輕後騎甘泉宮前軍細柳營風飄大胡笳鳴鳴  
如龍鳴

少年學神仙披髮羅浮戲麻姑愛玉顏爲作芙蓉  
髻簪呂明月珠拂呂紅羅幌吹笛東南峰紫鸞來  
曄曄歡娛曾幾時人世苦流離君爲空中雲我爲  
機上絲將絲繫浮雲纏綿安可期悠悠望蓬山終  
古長相思

孤竹吟

我行踰萬里徬徨思故鄉黃鵠雖失所不從燕雀  
翔駕言登孤竹東北望邊疆驚沙如白雪殺氣爲  
嚴霜遊子一何微落葉同飄颺獨智世不容接輿  
久徉狂神龍爲螻蟻白刃莫能傷大義劫天下湯  
武誠不祥夷齊憂無臣叩馬空忼慷白日何昭昭

浮雲復茫茫吁嗟命之衰揮涕歸首陽

過大梁作

浮雲無歸心黃河無安流神魚騰紫霧蒼鷹擊高  
秋類此雄豪士滔滔事遠遊遠遊欲何之驅馬登  
商丘朝與侯嬴飲暮爲朱亥留悲風起梁園白草  
鳴颼颼揮鞭控鳴鏑龍騎如星流超山逐羣獸穿  
雲落兩鷺歸來宴吹臺酣舞雙吳鉤驚沙翳白日  
垂涕向神州徒懷匹夫諒未報百王讐紅顏漸欲  
變歲月空悠悠

過涿州作

樹木何颼颼黃雲千里愁日月爭馳驅民生誰獲

休置酒華陽館五鼎烹肥牛太子捧金卮美人彈  
箏篴數石不得醉悲歌恨仇讐歌舞歡未終將軍  
刎其頭驚風起燕臺滹沱咽不流男兒得死所其  
重如山丘白刃若春風功名非所求

燕市篇

日月忽不淹功名行蹉跎神怒色不變吾何如荆  
軻名隨朝露晞體與蜉蝣化嗟爾世上人悠悠一  
何多驅車臨幽州褰裳涉滹沱漸離爲擊筑田光  
和悲歌四顧莽無人淚下隨風沙英雄無私讐燕  
秦終不和持此七尺身爲君湛太阿

綏德城下作

白日何蕭條邊聲吹枯桑浮雲終不歸隨風四飛揚  
言登赫連臺萬里望西羌奴多各種落紛紛如牛  
羊白骨委蓬蒿誰知是國殤向夕聞蘆笳淚沾鐵  
襖襠立髮而虎視何當吞八荒大刀搏白虹長箭  
指天狼月照戍樓中不寐空徬徨男兒有氣節安  
得思故鄉

大同感嘆

殺氣滿天地日月難爲光嗟爾苦寒子結髮在戰  
場爲誰饑與渴葛屨踐嚴霜朝辭大同城暮宿青  
燐傍花門多暴虐人命如牛羊膏血溢槽中馬飲  
毛生光鞍上一紅顏琵琶聲慘傷肌肉苦無多何

以克君糧踟躕赴刀俎自惜凝脂香

贈朱士稚

神虬樂泥蟠鴻鵠安紫荊飛騰亦何難所貴忘吾  
形子房久破產一身如浮萍英雄不失路何以成  
功名高歌送君酒詞采鬱縱橫神仙爾何愚猶未  
齊歿生明月在滄澥光華虛復盈毋懷千歲憂酣  
放聊沉冥天地一塵垢吾心獨太清

示李總戎

人生非麋鹿安能戀山林翩翩裘馬子四澥求知  
音一呼瘡痍起戈矛夙所任許君以馳驅殺身毋  
沉吟寧食猛虎肉莫傷壯士心壯士昔窮賤一飯



酬千金功名有反覆英雄難陸沉苟不達王命弓  
藏悲良深愚哉萬人敵嘆息爲淮陰

送陳十七

匹夫爲大俠吾慕魯朱家翩翩四公子賢豪奚足  
誇猛士處貧賤神魚困泥沙金鱗三十六慘淡舍  
朝霞變化雖有時奈此寒與饑恩害日相生欲報  
貴無私暴虎而馮河英雄所不爲五賊在心中運  
之如璇璣去矣陳孺子冠玉何權奇天下在鼎俎  
宰割其隨時

贈萬生

寡婦得丹穴禮抗萬乘君百尺懷清臺煌煌巴水

濱丈夫無貨財爲德將何因觀時得權變白圭誠  
智人東南市玉帛西北貿馬牛爲君富敵國五行  
運其籌握土成黃金丹訣藏浮丘關中日轉餉地  
利如川流功名何赫赫誰知文終侯

與諸公別於西陵

浮雲何瀾瀾導我將何之徘徊西陵路與子褰江  
籬江籬久不芳佳人無衣裳烹魚貴神鼎酌醴宜  
鸞觴鸞觴君不御別恨吳天長參辰日錯行龍虎  
不相望我無四澥羅何以獲鴛鴦楚歌爲羽聲壯  
心空低昂君子握神器小人重文章去去且揮手  
久要願不忘

寄陳黃門

美人遊四海滔滔傷不歸  
龜鼉銜左驂中流援者誰  
我欲拔劒去路長無糧資  
人馬皆饑飢徬徨淚濡衣  
駕言陟高岡順風呼所期  
吾子白衣冠嗚咽前致辭  
丈夫懷心膽報德當乘時  
母以天年終聶政今何依  
衆人鳥獸散棄我忽如遺  
逝將袵金革與子同驅馳  
但視倉浪天莫顧黃口兒

壽母

我生遘喪亂周遊悲道窮  
髮膚雖至昵相依不克終  
子春難全歸豫讓靡成功  
仰辜昊天德俯愧白華躬  
茲辰介春醴瓶罍無光容  
捧土塞盟津吹琯

回條風微志苟不移庶可慰尸饗

朱陵有藥市我父爲韓康東王教服食仙去路渺  
茫遠瞻采檟上近察几筵傍神靈何倏忽令母早  
年孀白鶴思令威黃鵠悲陶嬰悠悠聖善心與我  
旻天長母子相流連如月在滄浪滄浪水清澈所  
以娛娥光

母寒裁複裵兒寒持熨斗隆冬天雨霜清苦徒相  
守偕隱似緜山躬耕無谷口今朝逢令辰何以介  
眉壽鑿冰取嘉魚采蘭爲肥牡堂堂予處子被褐  
懷瓊玖不義如浮雲豈足娛諸舅

青余冒霜雪歲寒希陽春仰絕高天覆俯憑坤厚

仁婉變懷袖間藹如狐白溫尸鳩未均養所嗟俱  
貧辛長息刺繡文次息倚市門終歲何劬劬錢刀  
無一存龍綃匪冬衣燕麥匪朝餐徒持孺子顏嬉  
笑相承歡

葳蕤三珠樹上有孤鳳凰凝神慕姑射堯舜如糝  
糠大子歌離騷中子進椒漿小子射白鹿爲脯陳  
高堂勤勞文伯母勗以追珪璋日抱金烏飛月懷  
靈兔翔精華相呼喻爲命與天長

西王有青鳥奉使何溫恭朝登麻姑臺戴勝相隨  
從中婦獻細襦小婦調絲桐阿母樂欣欣飲酒顏  
鮮紅三花結護草千葉開芙蓉念我託神仙不昏

如青童幽幽匏瓜星獨處銀河東

羅浮五色鳥絳翎是君王生男爲鴻鵠生女爲鴛  
鴦嗟余有兩妹口噤難銜將風雨日漂搖嘗憂巢  
穴傷侯光方賃春令暉日縫裳窮苦不遭時令母  
愴中腸壻貧若珠玉女淑宜糟糠庶幾抱潛德來  
共拜嘉慶

神龍何光彩乘道而浮游非陰復非陽歸我太清  
居暮如蓬海月爲母掌中珠朝如扶桑霞爲母身  
上襦天下乃塵垢真人色不渝雖無人爵榮其樂  
如華胥願親且安坐清琴聽徐徐

贈友

與君生南溟噓翕雄百川海波如連山天地爭廻  
旋蓬壺在鰲背脚臑未登仙念此下民咨干戈方  
纏綿大禹股無毛仲尼席屢遷至人貴拯物俾世  
無顛連鳥獸與同羣松喬胡足賢

玄雲無定體應龍不常儀昨日髡爲奴今朝冠有  
綬賢者重其灰與世聊委蛇委蛇夫如何有親方  
舖糜登高呼我友來同季女饑君爲爨下相我作  
薪中葵持茲憂患身柔順同文箕有鰥昔在下雷  
雨終弗迷聊陳衾與裯同寢待鳴雞

秋霜何凜冽孤鳳寒無衣摘藻如雲霞五經徒紛  
披微言在糟粕千秋知者希子志在春秋我學惟

蒼龜陰陽道所貴生殺其乘時丹青亦寓言游藝  
聊自嬉浩蕩象天形山川相蔽虧爲余貌山鬼窈  
窕含憂思靈修在毫素終古見光儀

三閭多微言遊仙託荒誕追琢風諫心光彩爭雲  
漢離騷能好色九章多怨嘆洋洋變風雅發憤成  
波瀾苟非宋玉招精魂方越散

神農削鴻梧以合天人和嗟余半死根摧藏在山  
阿蒙周生濁世滑稽揚其波湘纍亦寓言荒淫爲  
九歌變易吾儀容雲氣掣嵯峨日月尚有瑕丘陵  
亦孔訛稱文雖渺小其旨咸包羅夫子誠知音  
我如韓娥行雲如可遇更奏采菱荷



送從弟無極歸里

白雲忽改容，愀淒若風雨。黃龍何宛蟪，相追在洲渚。同氣不相離，庶幾吾與汝。與汝懷芬芳，離騷繩祖武。崇蘭惡無實，相將樹稷黍。泰山易崩頽，相將保鴻羽。成仁卽神仙，韓終非所許。願言守儒術，毋墜先人緒。

重華託神仙，解體升九疑。離宮若雲浮，欲陟無天梯。垂衣接萬靈，棄我獨如遺。筑筑在中野，熊羆鳴相追。弟兄貴急難，骨肉無乖離。子能禦外侮，羈旅吾何悲。今朝途路窮，雙鳬忽分飛。商飈吹白雲，悵望徒沾衣。

雲中有二老采薇何從容洞房隱青巖卉木交蒙  
龍處幽舍聖神被我太古風我祖蹈雲天窈窕相  
追從離騷合經術規諫心無窮子其玩微詞追琢  
爲楚風讒邪譬雲蜺君子喻虬龍金相而玉質驚  
采開童蒙

題雲臺峰

雄雷何霹靂雌雷鳴依依陰陽相迴薄淵默不能  
持發憤爲春秋空文思垂輝軒轅在華嶽排天往  
陳辭天梯何險艱十步九逶迤匍匐蒼龍背拘牽  
玉女衣綆短玉井長寒漿難療饑白帝觴百神邀  
我雲臺嬉

樞衣上雲臺磴道何盤紆  
死生寄微縞逡巡青壁隅  
神氣雖不變四體攀以拘  
陰井仰穿空陽雷伏行虛  
仙人遙見笑戚施與蘧蔭  
寥廓忽無天窮高至奧區  
巨靈厭大樸雕寧爲芙蕖  
吾將反渾沌與帝合靈符

猛虎詞

朝負角弓出暮負角弓歸  
猛虎何斑斑欲射憐其兒  
惟虎尚有兒惟人乃無妃  
雄刀鳴牀東雌刀躍牀西  
雷雨何冥冥蘭燈慘其輝  
徬徨起中夜恩怨交心脾  
牝雞方司晨令我倒裳衣  
裳衣且莫倒奮發當有時

贈陸氏及其從子

淒淒天上星與我俱沉冥匏瓜長自繫河鼓難爲  
聲吁嗟爾知己相歡如平生阮公賦詠懷攜手八  
荒行洋洋會風雅從子與齊稱昔焉馮大河今焉  
履薄冰妖姬自可求漁父誰能名

爲區母陳太君壽

并序

太君爲南海區文學之聘妻文學早卒太君年  
及笄望門而守年今六十其嗣子乞余詩以壽  
煌煌天上星三五成鴛鴦匏瓜獨無匹織女徒相  
望如彼單枝蓮苦心舍九泉如彼兔絲花余折還  
纏綿獨活爲誰施不學華山畿綢繆君牖戶鞠育

君孤兒平生昧鳬藻夢寐見容姿長歌入君木越禮非所宜

妾心非朝露不爲白日晞芙蓉負霜死不作浮萍移寒苦四十年春陽無見期伯姬蹈湯火高行毀容輝百爾君子懷兩髦憐我儀有覩未亡人敢當稱壽辭所願爲蜉蝣泉下早同歸

清明展墓作

妖姿痛不留華年惜中天墓草根已陳松枝翳蘿蔦繡牀所憐女魂魄何嬌小藥石弗能追相隨入先兆沈陰日杳冥泉下無時曉憂毒能傷人吾將殉窈窕

遊羅浮作

崑崙兩靈嶽佐命於祝融蓬萊浮海來與之合鴻  
濛曜真祕陰室朱明開陽宮夜半海日飛搖蕩石  
樓紅石樓夾天起雲氣流如水日出見仙人玲瓏  
水簾裏迎我四百峰蝴蝶大不已裊裊鐵橋垂欲  
度愁風吹白雲爲羽翼一舉將何爲蘇航尚有母  
萊子亦有妻潛龍寧勿用雷雨將乘時麻姑有酒  
田聊自畊紫煙擣藥命紅翠流杯持寒泉歡娛可  
因物變化寧在天

遊黃龍洞

洞口花繁迴微磴在谿水交瀑絡峰腰積翠明潭

底倒影麻姑臺一望成霞綺白石含金沙紫蒲吐  
瓊蘂羣峰稍開豁露雲泱泱起坐愛盤石廣臥欣  
芳草靡天華尋遺宮蒙龍餘葛藟歌響散天飛舞  
塵逐雲委興廢祗終朝割據一何鄙英雄寧無成  
不奪兒女子混沌留吾年蟬蛻帝王裏洋洋風珮  
飄天路從茲始

冲虛觀

平生好嶠嶽所至棲丹丘太舉雖言好未若歸羅  
浮冲虛有雲構葛公所綢繆暗虎守洞穴碧雞枵  
際遊石乳滴人寒花氣隨風留仙璫奏池底月明  
聲可求髮晞籠葱林手弄芙蓉鷗日月還霧虹元

氣鬱不流研精在玄奧吾且以銷憂

宿寶積寺

行緣一瀑布高上層峰端蘭若冠青壁  
松林鬱巘光霞舒丹氣暄風淒微寒錫杖有神溜  
噓吸漱濕浹衣裳何飛飛隨風上檀欒洗藥尚未畢  
長嘯凌天門孤生悼已晏妙志矢無諼沮溺雖隱約  
松喬共盤桓日暮聞鐘聲聊與飛鳥還

進帆石門懷古作

洋洋牂牁水萬里番禺通百川灌其西三江瀦而  
東分源自夜郎合流趨鬱銅勢束高要嶮聲奔昌  
樂龍春膏溉雄田夏漲挾舊風滔滔安所歸哀湯



朝祝融崩波吭一門噴激爭其衝竦石盡壁立杳  
潮聲相舂我舟朝溯回暮猶雙闕中飛峽有驚瀑  
穿林多橫峰眈茲山水勝掛帆時來從樓船想楊  
僕策略懷唐蒙奇道乃自泄偏霸知將終裸國亦  
稱王矧爾臣佗雄中華當拓境揚越先成功前軍  
尋陞破後騎石門攻蠡爾一州主漢爲天下宗

西臺雨後行田

蒙龍黃木洲汎濫扶胥匯池臺俯閭井耕釣存風  
槩瀕海多塗泥芳沃罕灌溉春雨上膏滋冬潮鹹  
氣退燒鹽有餘稈墾土無留塊曰我沮溺人耕慚  
微祿代寧須富粳稻但欲除污萊始晴命夫男露

田行不怠汨汨引泉脉蒼蒼悅山黛虹生黃暈中  
日出陰霞內土圻百卉驚基崩衆流潰殷勤語我  
農旨否嘗不逮滂沱趣導渠湍激宜安碓在彼牛  
力償在此鋤功貸苗壯須附根草肥或留菜平生  
究水利斥鹵亦所愛盡力志溝洫開荒喜草昧王  
道始力田子職期秉耒踟躕盼有年勤動終無悔

鴻鴈

鴻鴈從風飛氣力亦自愛所憂霜雪寒艱難來入  
塞如何紇千山羣雀啾啾在高秋八九月凍死乃  
無悔物性苟知時哲人生感慨不見山梁雉三嗅  
入茫昧

寄四會李子

念子離根蓬隨風去何之少年好馳俠意氣爲雄  
兒持憂催白髮我年已崦嵫玉瀝與金華成仙不  
可期聊爲亾命人隱忍居下邳事敗灰無名空令  
骨肉糜吾子棄其觚立功思邊陲英雄苟有具富  
貴寧無期穹廬多秘館中有琵琶姬射獵得猪鹿  
相與聊娛嬉

送鐵橋道人

十二慕信陵十三師抱朴十五精騎射功名志沙  
漠袖中發強矢紛如飛雨雹章句恥不爲孫吳時  
間學蹉跎遂暮年喪亂成蕭索洗心向林泉所望

惟鸞鶴瀑水與蘿花飄飄夢中落

相逢少林僧劒法將傳子遶身若電光聲如風雨  
至良馬名銅龍雄雞悍無比慷慨少年場報仇兼  
雪恥丈夫苟能軍市人亦可使何聽命於人自損  
英雄志

立功良有命英雄思戰歿可惜沙場中少君一白  
骨神仙學未成見道苦超忽努力去雲霧天光自  
開發歸去養生人聰明毋自伐朝氣若流泉暮心  
如海月

送陳中洲

問子遊何之長嘯而不言民生悲局促輕舉思浮

天寄軀於飛蓬陽風乘飄然夜光無自耀明膏不  
自莧服丹身無影所至如雲煙贈子寂寞牀玄虛  
爲廣旃行行至青原朝夕聊安禪

白髮穢光儀年華亦已暮如彼蘭蕙芳離披向霜  
露子才逸卿雲復有鸞龍度慷慨泣明珠光輝誰  
不顧吳越多知音而今重詞賦聞子父兄名新知  
盡成故行矣路方長時時望丘墓莫卽學蘇耽仙  
成上煙霧

爲夏子題奉母圖

麋鹿得甘草呦呦鳴其麕兒生失慈母匍匐將安  
歸不如彼燕雛有母教之飛羊羔亦有乳烏子亦

有枝嗟君始六歲已抱杯圈悲笑笑在襁褓黃口  
長含饑辛苦得成立堂前懷斷機丹青作圖畫夢  
想存容姿瞻依向紈素出入將庭幃如聞嘆息聲  
儼見劬勞時丁蘭刻芳木日磾泣關氏同懷終天  
恨孝思無窮期庶幾揚令名以慰聖善貽

古詩爲葉金吾壽

英雄日已老顏色難長好昔爲張子房今作商山  
皓吾將終羅浮服食惟朱草何以被四肢蝴蝶大  
如箕小翅爲下裳大翅爲上衣何以作棲宿十圍  
籠葱竹一節爲一房兩節爲一屋何以爲儔侶麻  
姑與玉女作使五色禽紛紛煉珠黍何以克羽觴

玄碧酒如漿飲之一呼吸水露皆生香有友金吾  
子家在豐湖淚吾令兩瀑布流出桃花葉桃葉是  
丹砂君餐兼露華復有蝙蝠好雙棲芭蕉花千年  
白如雪紅者如朝霞贈子白復紅佩之衣帶中能  
令男女媚相愛長相同白以佩吾子紅以佩昭容  
昭容字黃帝昔成仙其術惟房中素女爲之師浮  
丘爲之宮真人在玄牝出入如虛空日月一相摩  
光彩成青童吾慕魯女生翩翩騎白龍仙成上太  
舉毛女千人從君今有窈窕左右爭芙蓉我亦容  
成子大道在其躬相將且駐年紫髓而方瞳時來  
建勲伐乃追太保公

太保公諱夢  
熊君之祖也

臥疾行

貞女長苦寒介士長苦饑吁嗟蕙蘭草雨露不相  
滋人情若流水流水東以西一日不膠漆十日不  
相知我有負薪憂藥石誰見貽一身事尊老衣食  
無所資爲子復爲婦出門嘗遲遲水精爲明月一  
氣相光輝月中有日影如子在母懷

送王子從軍

太白天將軍夜來穿月出光芒一何長直使陰精  
失吁嗟兵象見變亂將無日憐君虎豹姿自此難  
安佚子房青雲士高尚素無匹一朝去從軍鞍馬  
如風疾經營羅甸兵左右哀牢帥天心早能知王



命多論述英雄方續紛囊括須高密王侯寧有種  
厮養亦膠漆仲夏珠江涓送君情洋溢離支堆玉  
盤花露甘如蜜半醉卽揚鞭乳羊啖未畢慷慨辭  
故人故人多卓逸羊裘釣澤中亦有男子一

偶從風洞眺望始安山水賦呈秦使君

自我班師還永日遊山水城隅得風洞愛玩心難  
已攢石多巉巖方圓亂相峙峰高易傾側崖落勢  
不止絕壁窺天窓光從潭底起盤旋上采門狼藉  
踏花蘂蘿林外冥鬱石乳中奇詭玉牀旣膏滑丹  
竈無泥滓驚瀨不因風水石自相使飛溜吐復吞  
空響震心耳坐久機慮忘一息歸無始終日介馬

馳佳憩乃得此無人共勝賞竊憶秦夫子解組初  
投閒老易重爲理用亢得無悔知足自多社褰沂  
任所適淵默人難指留侯豈仙人導引誠有以蟬  
蛻帝王中功名同敝屣

曾公子櫻輓詩

公子少游俠甘心信陵君玉顏舒茗華長劒吐浮  
雲賢豪與爭博睚眦嘗下人弦高恩救鄭晉辭難  
摧秦慷慨請兵符肝腸感三軍吁嗟烏合衆爲陣  
何紛紜橫戈當瞿唐出沒如鬼神我扼其咽喉賊  
氣不得伸士卒堅如山對壘動兼旬  
朝廷詎無將君獨奮布衣手提五百人不灰其何

歸肌膚爲堯鑿斯養爲神師一夫先刈旗賊驚刀  
相糜奇兵無全勝救援苦不來彼爲泰山崩我爲  
獨木支衆寡終不敵猛士咸瘡痍人持一半冰馬  
負一束糞且戰且退走驍騎憚不追嗚呼蛇矛失  
流涕滿邊陲

劇孟一敵國條侯資其雄如君勇蓋世可無橫草  
功烈士非徇名王臣原匪躬終軍乃自媒少卿竟  
誰從馬步勢懸絕戰酣頻飲血殺人慘無聲陰風  
吹凜烈徒手猶奮呼百人無尺鐵成敗天所私吾  
謀將焉哲嗚嗚隴頭水沉沉沙場月爲君歌國殤  
淚流滿衣襟

哭內子王舉姜

嗚呼我昊天降禍一何酷我豈兒女仁所惜親笑  
獨我生苦伶仃以婦爲骨肉況是窈窕姿恩情日  
以篤三載客將軍歡樂亦云足朝進紫駝羹暮聽  
秦箏曲卿家歌舞多富貴非所欲攜手還丘園殷  
勤畊且讀老姑自汝來歡喜加饘粥笑與鄰姥言  
新人顏似玉定省幾晨昏孝聲聞戚屬凶變在須  
臾人理一何促哀叫天不聞有身寧可贖

阿母年七旬哭汝聲摧裂當食不能餐喉間日哽  
咽念爾萬里身艱難歷胡越暑雨及祁寒馳驅不  
暫輟關中積高府風氣多慘冽我性不能寒疎理

畏風雪鷓鴣向日飛桂華以冬發自返南州來中  
懷少鬱結汝亦樂土風所愁獨炎熱海氛多毒淫  
腹痛成天折倉皇醫未來臂已電光滅

炎州雖煙瘴珍果足娛子子慕離支漿能令顏色  
美可憐未及餐倉卒歸蒿里自作翡翠釵自剪蒲  
桃綺簪服幾何時棄捐篋笥裏汝生旣柔脆汝病  
復不已水土不相宜卑濕損年紀家貧藥餌少天  
枉非天理痛酷五中崩我罪伊何矣

皇天何不仁不念鞠子哀不念我君姑白髮方摧  
頽魂魄今越散逢祭時一來我魂在姑前朝見姑  
淚漣我魂在夫側暮聞夫嘆息稚女未成人殯宮

日匍匐我欲乳遺孤鬼伯相催逼兒寒姑與衣兒  
饑姑與食勞苦今惟姑姑將無氣力誰割我孝慈  
皇天不與直

汝魂毋飛揚萬里隨悲風汝父爲國殤精爽在榆  
中汝兄亦殉灰黃口爲鬼雄游魂尚未變白骨可  
相從汝生不識父歿後見形容桓桓大將軍苦戰  
黑山戎左手挽人頭右手持秦弓鬚髯怒盡磔流  
血被體紅黃雲野莽蕩陰氣橫蒼穹前有無定河  
後有赫連宮父子驚相持慟哭何時終

汝魂復何之汝母在朝那生時命奇薄夫歿矢靡  
他孤女藐始孩提抱出干戈伶俜未亡人被髮奔

風沙汝小旣偏孤汝大又無家自汝失天只骨肉  
成土苴泉下今相遭煩冤訴無涯長城土慘裂黑  
水冰峨峨巖風縱橫起吹汝魂無多朝隨轉蓬飛  
暮逐驚沙過邊地雖故鄉陰寒誰奈何母子魂來  
歸歸我羅浮阿

爾灰作歸人我生何聊賴恍惚成狂癡魂夢思交  
會與子合婚來別離常在外相見曾幾何一旦成  
茫昧兩載共行役豈無饑渴害詩書相與娛爲道  
忘顛沛形管我能操雅琴卿亦解自古黔婁妻偕  
老多年歲如何卿樂貧獨不保少艾

淒淒燈火光照我空房寒旨酒誰與飲彈棋誰與

歡徬徨淚橫迸不寐如哀嘆衾幃不忍展翰墨不能看學詩雖未成才思已波瀾風雅日絃歌書寫滿齊統薜蘿不終朝玉魄難爲團徒栽同本芝徒種同心蘭上天惡賢淑使我成孤鸞夢想何時衰  
怛摧心肝

采采茶蘼花花露紅以滋爲姜作面色光豔使情怡之南市石黛之北市燕支芳香用未畢蕙草忽先萎幽鏡生紅埃羅幃交網絲笑貌若流光一絕不可追莓苔餘履跡髣髴行遲遲我有第五妹與姜日娛嬉梳姜墮馬髻服姜月華衣四妹嫁遠方尚未覲容姿今晨雨慟絕閨閣將誰師



西北多佳人平生性所慕馳俠至秦中荷卿愛詞  
賦朝共恒舉遊暮指瀟湘路竝馬榆關行同車梅  
嶺度粧罷弄圖書酒酣射雉兔歡娛及閒暇燕婉  
憂遲暮我情日以柔汝姿日以瘳竭力媚閨房不  
爲荒淫故寧知忘憂花一旦摧朝露積想成狂疾  
尋子向丘墓

相如還成都衣裘盡貰酒自刺美人賦消渴恐不  
壽臉際芙蓉花誰知先速朽幽歡惜永絕盛顏難  
復取筆牀銷翡翠雜佩捐瓊玖服玩盡棺中箱簾  
無所有同穴尚無期我留爲慈母殉爾一鳴琴暫  
作黃泉友

我不忘大德爾毋思小怨自爾入家門飲食須相  
勸始度臺關時我情彌婉變我鄉日已近汝鄉日  
已遠好言相安慰不久還沙苑當奉白頭姑共隱  
峯山巘居貧愁懣多婢僕時驕蹇恭敬豈無違所  
恃卿良善纖手所循環女圖日不卷新頌伯鸞妻  
德音聊自遣篋中餘繡袷顏色紅無損自今不敢  
視一任浮埃滿

清明節已屆雨露使心悲外舅與外姑野祭今同  
誰汝生治酒食汝死魂無衣骸骨傷先公安此南  
海湄扶胥雲慘慘黃木風淒淒萬里歸成婦祔葬  
固其宜大恩雖未卒孝媛名已垂

陳恭人輓詩

恭人湛氏前金  
吾陳恭尹之配

娥娥文簡孫厥云陳恭人肅雍秉令德弱笄四教  
敦惟膏不厭鮮惟蘭不厭芬冰清而玉映來爲君  
子嬪君子結大義患難來方殷皇舅爲邦家戰死  
未歸魂羽林一孤兒衰經往從軍妾身殊不幸  
獨當青春

鳳凰卵不完一朝巢傾覆君舅已國殤君姑亦無  
祿兩雛羽未成啾啾在溝瀆大雛乃兒夫弋人慕  
其肉妾父爲朱家任俠輕金玉努力救遺孤恩義  
一何篤君子懷父冤水深傷獨漉妾亦願捐軀報  
讎持劒稍雄兒命苦屯鬱鬱居林谷

君子生多才夫婦以文娛五經而六緯博雅爲大  
儒白鵠負其雌五步一踟躕終然爲王事琴瑟成  
離居初生黃口兒君在瀟湘湄再生一女子君在  
河之浹荼苦妾自甘孤笑誰爲理蕙草一朝摧臨  
危淚如水

丈夫爲干將婦人爲莫邪雌雄中道別何以報王  
家妾身久嬰疾鍼藥難屢加彩鏡失鸞影朱顏凋  
薜華陰嘯召君魂陽呼召君魄冉冉去何之黃泉  
遂永隔慟哭摧心肝獨生亦何益皇天忌燕婉佳  
人殊不惜歿爲荀奉倩從子歸窀穸

余妻曰舉姜聰明亦如子尋爾向黃墟攬袂啼不

止妾父亦將軍與卿皇舅似腐肉何馨香忠魂在  
箕尾與卿訴天帝請劒誅封豕生未復家讎死當  
雪國恥在古有娥親在今惟伯姊

贈徐處士

虎生而文炳鳳轂已五色天性本自然豈以文章  
飾美才忌輕出所志非官職諸葛騁龍光游步以  
自適亂世無全臣欲仕非其國四方正雲擾大漢  
多蝨賊撫弦復搦矢不射非無力荀彧王佐風從  
曹至今惜霜降草乃成雪深梅始識與君采栢姿  
無苦歲寒逼何以結久要艱難事潛德

贈孔參軍

丈夫志經營豈曰生不辰依人七尺賤隱忍成埃  
塵親壽如過隙欲去還逡巡狐裘裼素錦玉氣爲  
女人單步以負笈英雄方苦身與君同感激酣飲  
娛青春紫袖方吹簫青綃持拂巾上客列廣座歡  
言相情親文藻四輝映綺思霞氤氲如彼洞光珠  
精靈燭百神司馬秉冰鏡林宗樂人倫殷勤勗明  
德及此白髮新著作爲世師豈敢辭苦辛

壽吳雲遇先生

先帝諸詞臣天南有其二一惟我吳公冠冕庶嘗  
士三朝無實錄史官久不備簡討方須才兼書行  
在事公時當聖心廻翔清切地石室書初抽崧臺

草亦視豈謂復西巡君臣忽相棄霓旌若轉蓬萬里追難至匍匐返岩阿天顏在寤寐淵明居玉京子真隱梅市義不慕長生所懷溝壑志忽爾享期頤神明以無累先朝一耆舊天留有深意鬚髮雖皤然精純若童稚令子富才華文章爲酒食丹青與草書一一供親嗜鶴鳴喜在陰天籟日相媚父歌紫芝篇子疏白華義何以軒冕爲山水娛仁智歲寒獨後凋努力爲蒼翠陰我半生枝得成清廟器

送李子藍

曰余尚幽獨夙昔臥林水蘭生自無人豈敢怨泥

澤在春蘭則黃在秋蘭則紫顏色雖隨時芬馨無  
終始歲寒寡所期邂逅得吾子峨峨武林彥奕奕  
文章美光掩南海珠價重鳳凰子知音亦復希蕭  
然返鄉里時無戰國雄黃金鬪游士且復懷短長  
以待人求已相送鬱江湄殷勤問行李重來不可  
緩故人望玉趾

讀史贈陳獻孟並送其行

秦季焚詩書先聖道以喪諸儒負禮器倉卒歸陳  
王匹夫徒發憤曾不識興亡隱忍成功名何如張  
子房子房非儒者爲氣何堅剛其終如魯連其始  
如荊卿平生予所希君亦慕其狂終古兩盜雄蘭



池與博狼少年雖輕發氣實吞始皇君於太公書

曾否得其綱先公有兵略

令祖麗南先生  
著兵略百卷

揣摩宜

不遑將飛且伏翼將鳴先引吭何必魁岸人始能  
應帝王從容以步遊遊於淮海旁英雄無神師其  
學不光明苟能依老成以禮爲之方我亦憫儻人  
垂老猶摧藏漢初兩孺子不得與偕行強忍亦已  
久中夜起徬徨君今血氣盛甘苦未多嘗思爲日  
本刀須鍊梅花鋼屈伸能自如入石乃無傷行矣  
復遲遲咫尺卽相望

蓮花峰篇贈黃山閔賓連

我昔入秦關手攀太舉峰千峰爲蓮瓣三峰爲蓮

蓬三峰砥一石一石三芙蓉紛紛蓮花鬚化作千萬朵白帝與明星宮在千葉中高高五千仞仙掌擎當空自謂天下奇羣嶽不能從何意一黃山蓮花亦次宗一莖上盡天千辦開濛濛從莖上至藥吹墮愁天風盤迴穿巖竇忽見軒轅宮峰凡三十六此峰太舉同夫君幾登陟身染蓮衣紅自作黃山經神與山精通文章亦巨靈開闢將何窮

江氏雙烈篇

鳳凰不孤生睢鳩無再匹姑婦苦相依歲寒同一室良人在泉下幽幽視曠日曠日久無光光自妾心出江家多女宗禮義爲琴瑟五婦垂管彤復茲

叔與姪教子各成名文章持篤實湘也更多才賢  
豪與膠漆劒氣如白雲玉光溫以梁以母柏舟篇  
相示淚洋溢阿嫂亦陶嬰黃鵠歌未畢安得聖人  
生列在變風一

送汪扶晨歸歙葬親

十月河已冰朔風苦蕭瑟之子望余楸行行雪沒  
膝烏烏啼以南烏烏啼以北一啼一白頭阿母不  
可得墓道何巉巖送者皆匍匐飛土逐豐狐殷勤  
助封植而我獨不遑淚垂但沾臆以君孝子思茫  
茫此何極母兮在蒼天朝朝見顏色母兮在黃泉  
暮暮聞嘆息文章爲犧牲仁義爲鼎寶庶幾貽令

名山詩外  
名以爲天下則

蜀岡懷古

步出城西門盤迴見丘垤隋家舊宮殿林際尚明  
滅亾國以荒淫雷塘乃無穴吁嗟美人魂風吹作  
蝴蝶玉顏雖黃埃遺香託花葉英雄在白楊悲嘯  
亦嗚咽血爲螢火飛雨中光熠熠地道通峨眉千  
里陂陀接幽幽一井泉中有古日月謂大虛無見  
玉勾洞府藏冰雪舉觴相與傾慷慨中懷熨茫茫  
失路中痛飲誠賢哲

秣陵山水多龍蟠兼虎踞可惜張錦帆未往江南  
去重華挾二妃時巡冒霜露五嶽與三湘鑾輿不

遑駐胡爲愛江都天險從人據中原一崩裂人人  
皆項羽好色以自強山河誠敝屣李花將代楊興  
亾有天數君勿笑荒亡黃泉人笑汝

送程君還歙

容成與浮丘毋乃非神仙御女教軒皇徒爲後世  
傳君今返黃山一手攜嫵媚莫上丹臺峰長跪天  
老前素女安可師大道貴自然鳳凰不下地鴛鴦  
不上天甘瓜相鈎帶生子期連綿况君美天爵將  
爲用世賢文章有奇器金石能相宣

贈顏君

復聖之子孫太宗在曲阜峨峨司勳郎光敏與我知

交久曩者遊西秦聲詩相可否黃河石華魚率陰

槐麴酒風俗愛宗周酣歌亦擊缶洋洋風雅篇正

變無不有夫子昔刪詩先師

顏子稱先師

嘗左右三百

所絃歌琴聲滿窓牖龜山與猗蘭二操亦在手子

孫被流風德性嘗敦厚世爲魯大夫文獻十而九

宗器多珪璋孔氏稱甥舅

光祿延之

善五言人誦秋

胡婦遺響在黃門

微一賦如瓊玖司勳正始聲比

興無其偶賦詩存諷諫美刺絕不苟君也爲哲兄

頃筮如一口陋巷有神靈文章作淵藪分支去溫

陵禮樂遙遵守閩海接泗沂先學相師授公本濟

世才輝映桃陵後爲政歷朔南聲教先孝友舍叶

黃鐘音中和以自壽復聖乃春生一陽爲物母以

配復初爻龍潛未見首元氣在素王司徒

論語精義云

仲尼爲素王

顏子爲司徒能多取公也益舍弘光大庶無負

正月旣望太倉王虹友兄弟招同諸子集善

學齋中有賦

吁嗟歲庚申昊天降威疾正月方屯蒙雷乃從地  
出去年霹靂旱旱乾兼水溢饑饉及婁東稻蠲三  
餘一陰陽久不分元氣復無日人民願歲豐張燈  
祈太乙歌舞且須臾號呼天豈恤東北地震餘至  
今魂惴栗龍血成堅冰玄黃戰未畢餘殺在三陽  
太和期勿失飲食以相需主人敬終吉煌煌火樹

開陽春先一室白華將絳趺光華何盛實昆弟連  
枝多蟬嫣金玉質唱嘆得良朋洋洋清廟瑟二南  
兄弟詩周召如膠漆孝友垂正風以作人倫率風  
雅之大師婁江舊無匹瑯琊與太原諸王多麗逸  
吳許六朝英賦心總綿密我亦希雲間黃門精論  
述所愧稱離騷怨誹難自律神聽在和平性情忌  
淫佚何以慰微誠願言貽道術

詠高士王達

嗟爾支離疏傲倪得其天長乘莽渺鳥翱翔窮九  
埏君子道固窮小人利是纏鮑焦持其蔬晉楚難  
比肩高行雖傷身令名百世傳



贈魏處士永叔

巖巖寧都山穹石蔽天起中有金精峰翠微與相  
似漢初有逸民張氏一女子玉貌生奇光紈扇照  
如水垂涕悲民生欲嫁無良士不義衡山王乃爲  
重瞳使弑帝都江中悖逆非人理兵威劫麗英披  
髮卧泥滓氤氲石鼓旁奇女氣青紫有鸞自舞歌  
慷慨不可止嫁夫得鄙君嬋娟所深鄙可惜漢高  
皇大度容仇恥方徙長沙封不共淮南死佳人重  
意氣仙舉非得已安期策苟行豈愛菖蒲美君居  
臨翠微麗英乃鄉里平生不字貞笑笑無娣似薇  
蕪作面脂藟藟爲文履雲步何虛徐誰能持玉趾

玉帛一朝來容顏遂自毀豈伊是籛條臭惡還芟  
莒隆準尚不臣所希在黃綺鄰女窈窕姿將老猶  
珠珥枯楊忽生華以爲士夫喜秉節乃不終媒妁  
持爲市蔡琰苟忘夫王昭將妻子橘柚已踰淮芳  
馨寧有爾

送丁使君之官南嶺

峨峨虎頭城咽喉我蠻揚五嶺此大門築關自秦  
皇尉佗絕新道以之爲屏鄣山川連甌閩建瓴勢  
莫當鬱孤有臺基三省之隄防使君負雄才天南  
所跂望禮陰而樂陽爲化流炎荒聲詩百福宗人  
倫於焉昌宣布天地精中和在官商六義始於風

動人宜溫良微言一相感萬物開其房方今用兵  
餘民風多憂傷所賴諸侯詩優柔致禎祥使君藩  
維寄德教先豫章身作南長城恩及祝融鄉巡行  
至大庾陰雨滋枕椰玉枕山嵯峨霹靂泉湯湯攀  
援南北枝要我毋相忘

題吳氏一硯齋

中山王之孫南京有四園其東傍青溪一曲流潺  
湲秦淮窈窕通釣魚來至尊至今濯錦塘御氣生  
朝瞰左右多居人蒲荷接市門罌粟與文無一一  
舍舊恩我將攜妻孥於此開層軒爲隣有吳君掌  
故相討論嗚咽成春秋紀亾不紀存君言有玉研

卷八  
三  
吐辭如春溫將翰仁愛思與我同晨昏

蓬山篇爲顧子豐及其配雙壽

天邊羅與浮合體如夫婦本是蓬萊峰堯時乃東  
走洪波浩蕩中難恃神鰲守山君華子期惆悵泉  
源口引領望夫君功成封戶牖攜爾鮑家姝來作  
朱明友帝命治黃龍洞名花田開百畝作使小鳳凰  
采花作春酒東西二石樓玉女克箕帚子房本仙  
人才大無其偶游戲楚漢間赤帝在兩手潛躍但  
乘時誰見神龍首辟穀亦何爲自與天長久

贈別甘處士返豫章

甘君生豫章才藻含素芬文章精且醇色映匡廬

鮮挾子遊江東雛鳳何翩翩以予羅浮人白鵬同  
飛騫能知老夫佗南武霸一偏其時雄豪士何以  
終九真使無佗爲君必當出暑門相從子房流爲  
漢樹功勲予言二世時揚粵有梅鋗其家在臺嶺  
自言勾踐孫沛公義兵起鋗亦奮戈鋌戶出一壯  
士家出一橐鞬領以搖毋餘踰嶺至餘干先說鄱  
陽君當從沛公西芮也豫章人與鋗桑梓連發兵  
使先行行至南陽間天授得帝子立談動龍顏遂  
從破秦關功爲諸侯先二周與勾踐讎恥一時湔  
使其相尉佗不過蠻貊賢箕踞反天性禮義同艸  
菅貽笑陸大夫呂嘉徒周旋安得萬戶封湯沐梅

花田我家臨番禺在佗故臺端孔雀珥門戶離支  
克玉盤翠羽作船雙明珠盈衣緣奇蘂與珍木戶  
牖香翻紛奇法苦屠睢誅求無悍鰥桀駿夜出攻  
五軍血如泉生性本陸梁與羸有深冤龍川乃秦  
令詎肯爲其臣自當踵臺侯大義以雷震君歸至  
金精乃與張女鄰麗英昔不嫁芮也徒纏綿泠泠  
石鼓歌高響流雲烟君如遇衡山亦可相嬋媿毋  
懷匹婦諒褰衣而不前

蔡璣先觀行堂成有賦

自我來建康交遊得蔡子昆弟有四賢鸞龍人所  
喜叔也新堂成觀行名殊美洋洋祖父風修身自

詩始敦爾一家言絃歌日盈耳二南與家人其道  
相表裏化物以正風風從花萼起汝曾守塘公布  
衣格桑梓解橐息鬪爭眷令因友悌長跪訟者前  
依依若同體各得金與田不知其所使有子二白  
賢益務惇倫紀作令先聲教文武爲張弛潛平白  
蓮難不戰戢奸宄贊畫薊遼軍精明知彼已諸將  
服先幾督師聽讒毀功可同丘山言難合乳水一  
麾守雲朔邊疆當重委至郡卽巡行鳴鐃羣披靡  
朝獵闕氏營暮逼胡盧壘蒼鷹奮郅都毛血灑千  
里強虢亦已誅正直清西鄙噤口有大璫汗顏復  
御史天私一直臣未從楊左死慷慨南渡初安危

實可倚區區職方郎寧能掃國恥畫江作鴻溝君  
臣忽泥滓冠掛司馬門賊臣嘗髮指哀痛抱玉環  
艱貞保金矢令子濟物心委蛇聊一仕才爲異代  
用俯仰亦知止當其宰甘泉流亾盡耘耔正賦輒  
代輪割肌救瘡痂秦人糜爛餘一旦復肥美以最  
得股肱兩郡無鞭筆憲府開幾時林中藏玉趾白  
華孝養多親串分滌隨利害在鄉閭一身任首尾  
大義雖秋毫鬱若泰山峙清濁日沉冥酒狂亦自  
擬爲詩以韜精悲歌或變徵教汝弟與兄多才無  
不似五經在大春四海來鑿齒叔也開談林天人  
探奧旨有客齊魯儒金聲甚條理言易先圖書稱



詩去淫綺雅歌何翩翩和平以受祉鳴鳥悅同聲  
菜竹期有斐三閭隱士宗相貽有蘭芷從茲至歲  
寒芳馨長爾爾

壽江節母

衛風歌靡他恒辭貴從一春秋諸列女伯姬固無  
匹自母失所天艱貞矢永畢十五奉羅巾二十罷  
瑤瑟供養代良人甘肥機中出有時倚柱吟魯女  
同憂恤朝上君姑堂暮入叔姑室姑言婦未亾亦  
如兒在膝皇天憫苦寒與母以白日年今已五旬  
鬢髮尚如漆鞠育一雛鴈世詩書去驕逸蟾兔在  
腹中月光長盛實

河魴

今歲雨水傷河魴人不取食之死者多價賤如泥土所因胡蔓子乘潦落江渚河魴食而肥其毒益在乳乳甘且膏腴滋味入肺腑一嚙能醉人迷亂以無主倉皇飲糞清妻孥淚如雨菱塘黃河魴產婦云有補相戒勿鮮食去腸用爲脯醋蒸勝雞薑桂十之五風俗苦嗜之臭腥徧閭戶亡命諸漁人不用張網罟河魴觸生釣一鈎輒無數腹大似水泡其性最暴怒惡者更板牙斑斑鱗且羽河伯遣殺人非惟作魚虎口腹人所賤況乃飽腐鼠養小以失大君子宜審處區區此鰕鰕安足供刀俎

鎮海樓

渺瀰祝融汪噓噏鶉火房房中一都會番禺爲紀  
綱二山雖卷石亦爲南嶽宗層樓何穹然作冠玉  
山岡五重若棋累勢與雲低昂屹屹出崇堞盤基  
何堂皇絕地無根株莖臺四相望虛無若蜃氣含  
吐朝霞中日月互穿穴玲瓏貫榑桑飛櫟裊千尺  
懸棟森成行隨風或遠近嶽立仍中央神明所憑  
依奠我勾蠻疆樓南何所見牂牁浮青蒼萬里作  
南瀆崩奔從夜郎三江瀰驚濤海珠扼其亢浮沉  
一地肺險若三門當潮汐苦相杳秋鹹水益漲魚  
鱉負陰火與蚌爭胎光水怪紛往來一一交精爽

番舶逐鰲呿儵忽非乘風帆穿吞舟魚自口出中  
腸自謂黑山中安知非溟洋瑰貨所委輸輻輳交  
三城小者牛頭船大者獨木檣我艦空飛雲莫敢  
與頡頏紛紛白黑艚視之猶鳬蹠樓北何所見白  
雲連北邙蜿蜒自衡嶽孕精峒巉峰丹臺矗鶴舒  
石室開龍驤萬蒲翳溪路篋勞陰苑牆薛薛流花  
水鬱鬱扶荔鄉地肥宜畜牧駒駉與羶羊鳴菰歸  
紫駝吹角來黃驛水艸勝朔漠甘美無鹽霜馬食  
多禾苗漙乳成酒漿人頭嶺已平溝壑無餘香白  
狐旣悲嘯黃狐復跳梁人膏作青燐白晝迷陰陽  
松柏何蕭蕭魂魄吹無方樓東何所見扶胥祠谷

王海口控虎門諸蠻多梯航紅毛知荷蘭黑齒惟  
越裳戰退鬼樓船白丹幸無傷人魚旣醉飽洪波  
爲不揚斷虹一相假颺然踰零丁陰墟廟貌尊黃  
木犧牲芳百川爭東朝水帝紛來享樓西何所見  
靈洲砥湯湯潮來石門闢鬱水喧魚梁貪泉日潰  
決滔天誰隄防仕宦寡廉潔蹄涔爲之殃一飲喪  
吾寶腥臊德以彰不祥茲盜泉沛然南海放生民  
骨髓盡爲患何時終樓上何所見南戍垂精芒五  
星東井環越門蒙餘光趙佗以偏霸與漢爭雌雄  
客星出牽牛士燮亦奮興人流紛依歸苟安免夷  
創月食牛女間劉晟以隕亡癸惑入南斗建德喪

其邦南斗越司命自昔多災祥上天苦懸象占驗  
誰能明所希老人星常見吾閨庭壽光盛秋分俾  
我尊母康再拜向南極配月如長庚長庚何依依  
爲予當丙丁樓下何所見南武餘離宮倔強乃朝  
漢朔望茲迴翔老夫反天性一州安足強椎髻祇  
自外竊據誠何功苔生呼鑾道艸沒瘞劍塲木棉  
拂綺疏參差連赭桐枝枝女珊瑚葉葉山鳳皇糞  
香越王鳥銜穗仙人牂牲牲茂林下蹲倚當丹牀  
是爲羅浮麓朱明此潛通仙靈所窟宅我來每徬  
徨不揖安期生卽拍浮丘公招手登茲樓攬執雲  
衣褱御風復何待飄飄明將行